

Fra: Oddvar Skre [<mailto:oddvar@nmvskre.no>]
Sendt: 12. september 2017 12:47
Til: Jon Askeland
Emne: tjorehagen

Til Radøy kommune
v/ordfører Jon Askeland,
Radøyvegen 1690,
5936 Manger

Folkemuseum og folkekultursenter i Tjorehagen

Arbeidsgruppa takkar for brevet ditt av 7. august 2017 som me skal følgja opp.

Sender vedlagt brev av 30. juni 2017 frå Jon Eikemo til Radøy kommune. Vi seier oss lei for at brevet frå Jon Eikemo ved eit mistak ikkje er blitt vidaresendt før.

Me har elles fått kopi av fleire brev sende til Radøy kommune med støtte til folkemuseum/kultursenter i Tjorehagen, og med varsel om nye brev, som me vil ta inn i arbeidet i samsvar med ditt framlegg av 7. august 2017.

Den nye støtta ser me som så avgjerande at me vil gje nokre korte førebels merknader.

Jon Eikemo opplyser at han har arbeidd med saka **i fleire tiår og kjenner arbeidet til Olav R. Tjore med samlingane** og Olavs interesse også for folkekultur, litteratur, kunst, song, musikk. Dette fell godt inn i støttebrevet frå Stiftinga Radøy kunstsenter og Olavs planar for kultursenter/folkekultursenter. Brevet frå Radøy Kunstsenter gjev ein styrka og konkret dimensjon til planane for utbygging. Og Åse Eriksen kan gje eit fagleg ressurstilskot som og kan styrkja økonomien.

Framlegget frå etnologen Arne Høyland om å ta inn hans modell for lokalmuseum/bygdemuseum i Tjorehagen vekkjer klar interesse hjå framtrekande fagfolk frå museum og universitet. Me skal henta inn dokumentasjon frå fagfolk. Modellen til Arne Høydal vert rekna som

nyskaping, i tråd med både statens politikk for framtidas museum og UNESCOs retningslinjer for det same. Arne Høylands langvarige arbeid for kulturminne i Nordhordland er godt kjend ved desse musea: Osterøy museum, Voss folkemuseum, Hordamuseet, Bryggen museum, Sjøfartsmuseet, Norsk folkemuseum, Historisk museum i Oslo m.a. Når han nå går inn for planane om utbygging av Tjorehagen bør det telja sterkt i Radøy kommune.

Alversund/Fana, 10. september 2017.

For Arbeidsgruppa for Folkemuseum og Folkekultursenter for Nordhordland*
Oddvar Skre (sign.)

*Arbeidsgruppa for Folkemuseum og Folkekultursenter i Nordhordland omfattar følgjande medlemer: Oddvar Skre (kontaktperson), Jon Eikemo, Emil André Erstad, Unn Catodotter Fyllingsnes, Einar Lygre og Kjartan Rødland.

Kopi er sendt til Arbeidsgruppa, Støttespelarane, Stiftinga Tjorehagen, Venelaget for Tjorehagen, Den nye vervegruppa for vener av Tjorehagen, Nye vener av Tjorehagen.